

河渠志

河渠

河渠

河渠

河渠

河渠

河渠

大河西來從古分爲兩派接近在比岸自孟溫以迄
原陽尤多險要之處加以沁水從西北迤邐而下
南注於黃沁溢在決歲歲可虞我

國家念切民依慎重河防董以專官畫地分


雖爲患而旋決卽塞較之前代固已害去大半矣

然而思患豫防疏濬修築鑒往古之成憲求近今

之利益是所望於良有司之悉心籌畫也志河渠

河防

考禹貢導河東至於砥柱又東至於孟津東過洛



汭至於大伾柱預注云孟津在河內郡河陽縣
南洛陽城北都道所奏古今爲一曰孟津
伾張輯以大伾爲在成皇鄭縣界曰在修武
德臣瓚以爲修武武德無此山成阜山又不再成
今通利黎陽縣臨河有山蓋大伾也蔡沈謂是大
河垂欲趨北之地該註之是也然則自底柱以下
東經河內縣界孟津水滎陽各縣其北岸則爲
濟源孟縣溫縣武陟之境又東經河陰滎澤原武
陽武延津胙城各縣其北岸則爲獲嘉新鄉汲縣
之境自是折而東北經濟滑之間歷冀充之地以
達於海此其故道也厥後南徙者屢然暫決其基

北流未斷舊跡可考至金明昌五年河決陽武東

注梁山灤而汲冢之流塞元至元中河徙陽武南

奪渦入淮而新鄉之流塞

禹貢雖指云元至元九年河決新鄉廣盈倉岸

時河猶在新鄉陽武間也不知何年徙出陽武縣南據史至元二十三年河決衛輝河南郡縣凡十五處二十五年汴梁路陽武等縣河決二十二所水道一變蓋在此時矣然上流尚由

獲嘉而原武仍在河南明正統十三年河決滎澤

姚邨口南徙過開封經陳留入渦口原武始在河

之北天順六年河自武陟東徙入原武不復由獲

嘉縣界而北流永塞矣蓋自武陟縣逕原武陽武

之南歷祥符封邱陳留蘭陽考城經曹州徐州各

縣境而南合淮水入於海此則近今河道之大畧

也自懷慶八屬論之河內修武皆不與河接境濟源雖與河接而河不爲害自溫孟以下土性既疎無高山峻嶺以障之且挾伊洛澠澗諸水勢乃奔放益之以濟沁所受之水皆從北注沁又善溢有時並漲故武陟首受其衝而原武陽武地處下流潰決之患無代無之築隄防禦信費綢繆茲故考據古今異制南北殊流詳載

列聖之經營

九重之宵旰其職官隄工堡房具列於後以備考焉

晉

武帝泰始七年大霖雨河洛伊沁皆溢

按史書但言河溢而非指名懷慶今屬縣者皆不載

隋

煬帝大業四年開永濟渠引沁水南達於河

唐

太宗貞觀十一年九月河溢壞陝州河北縣壞河陽中渾上幸白司馬坡觀之此河決府界之始也

高宗永淳二年七月河溢壞河陽橋

武后如意元年河溢壞河陽縣

元宗開元十四年大水河北尤甚河及支河皆溢懷衛鄭滑人皆巢居舟處

昭宗大順二年二月河陽河溢壞人廬舍

五代

晉出帝開運三年河決原武

漢隱帝乾祐元年四月河決原武

三年河決原武

宋

太祖乾德三年河決開封府溢陽武又孟州水漲壞
中渾城軍營民舍數百區又壞隄岸石詔發兵治之
五年以河隄屢決分遣使行視發畿甸丁夫繕治歲
以正月首事季春而畢爲常詔開封等府及懷孟等
州長史并兼本州河隄使

開寶四年六月河決原武

五年河大決陽武詭發諸州兵及丁夫遣潁州團練使曹翰董其役謂曰朕焚香告天若天災流行願在朕躬勿延於民翰至河上親督工役未幾決塞

太宗太平興國二年六月孟州河溢壞溫縣隄七十餘步七月又決孟州之溫縣發緣河丁夫塞之被災者悉蠲其租

三年五月懷州河決獲嘉縣北注

五年河決懷州

七年十月河決懷州武陟縣害民田

八年自夏及秋開封陽武等縣河水溢壞民田

九年八月孟州河漲壞民田遣官按行

淳祐元年孟州河漲

真宗大中祥符四年九月河溢於孟州溫縣

仁宗嘉祐三年原武河決遣官行視賑被水害者

八年秋大水毀河陽潭

懷慶府西有河陽廢縣中潭卽今河中之郭家灘也

神宗熙寧七年命程昉引河灌田水溢隄壞

十年七月黃沁水溢

元豐五年八月河決鄭州原武埽溢入利津陽武溝

刁馬湖歸梁山灤詔曰原武決口已引奪大河四分

以上不大治之將貽朝廷巨憂其輟修汴河司兵五

千併力修築至十二月塞

七年七月命拯護陽武埽

徽宗崇寧五年八月葺陽武副堤

大觀元年二月詔於陽武上埽第五鋪開修直河至第十五鋪以分減水勢

政和七年六月都水使者孟揚言舊河陽南北兩岸分流立中渾繫浮梁頃緣北河淤澱水不通行止於南河修繫一橋河頃窄狹水勢冲激每遇漲水多致損壞欲開修北河如舊修繫南北兩橋從之詔揚專一措置而令河陽守臣王序營辦錢糧督其工料重和元年五月詔孟州河陽縣第一埽自春以來河勢湍猛浸啗民田迫近州城止二三里其令都水使者仝漕臣河陽守臣固護

金

金初黃河或決或塞遷徙無定因設官置屬以主其事沿河上下凡二十五埽埽設散巡河官一員雄武滎澤原武陽武延津五埽則兼汴河事設黃汴都巡河官一員於河陰以蒞之懷州孟津孟縣及城北之四埽則兼沁水事設黃沁都巡河官一員於懷州以臨之餘分處各縣

世宗大定十一年河決孟衛州多被其害

十二年正月尚書省奏檢視官言水東南行其勢甚大可自河陰廣武山循山而東至原武陽武東明等縣孟衛等州增築隄岸日役夫萬一千期以六十日

畢

十三年御史臺言沿河京師州縣官坐視河防決壞漫不介意若令沿河府州縣長貳官皆與名銜管勾河防事如任內規指有方能捍大患或守護不謹以致疎虞臨時奏聞以議賞罰從之

章宗明昌五年河決陽武故隄灌封邱而東

元

世祖至元九年南陽懷孟等郡淫雨河水並溢圯田廬害稼

二十年太原懷孟等路沁河水溢壞民田

二十三年河決開封祥符陽武原武等十五處調民

夫分築隄防

二十五年汴梁路陽武縣諸處河決二十二所委宣
慰使督本路差夫修治

二十七年沁水溢害民田詔免其租

成宗大德九年汴梁陽武縣思齊口河決

延祐七年河決汴梁原武浸灌諸縣

泰定帝三年秋七月河決鄭州陽武漂民舍萬六千
五百家賑之

順帝元統元年五月陽武縣河溢害稼

明

太祖洪武十四年河決原武祥符諸縣

十六年河決陽武

十八年九月詔修黃河沁水隄

二十四年河決原武之黑洋山東經開封府城北五里又南行至項城經潁州而東入於淮故道遂淤

二十五年正月河決陽武浸淫及於原武封邱等十

一縣詔免今歲田租發民衛丁修築

三十年正月詔除黃河兩岸河泊所魚課

先是河決懷慶府州

縣人民貧困上命除懷慶而下至正陽河口兩岸魚課聽民採魚給食

成祖永樂二年修武陟縣馬曲隄岸

三年河決溫縣隄四十丈濟滎二水交溢渰民田四

十餘里命修隄防

四年八月修陽武縣黃河決岸

六年正月武陟縣知縣言去年淫雨沁水衝決隄岸
自縣東關至北賈村等處宜及時修築從之

九年修武陟沁河決口

十年六月河決陽武中鹽隄漫流中牟祥符諸縣命
工部主事蘭房按視禦之

十二年修武陟縣郭村馬曲土隄五百餘丈

二十二年河決祥符陽武原武等六縣傷稼勅免田
糧遣官賑恤

宣宗宣德元年河溢開封之鄭州及陽武原武等九

縣漂沒廬舍田稼

七年巡撫于謙奏開封府祥符陽武等縣去年黃水
冲決隄岸淹沒民田乞豁除租稅從之

九年正月新鄉縣知縣許宣言比年沁河水溢冲決
馬曲灣經獲嘉縣至新鄉水深成河乞令懷慶府督
工堅築馬曲隄岸上命工部議以時興役

英宗正統二年巡撫于謙奏開封懷慶五府所屬州
縣自去年閏六月以來天雨連綿河水泛溢乞免除
糧芻從之 九月賜武原武河漲決隄岸三十餘丈
發民二萬軍七千修築

三年巡撫于謙奏開封府陽武縣河決武陟縣沁河
決俱傷禾稼遣官賑恤且修築沁河隄

四年沁水決再築之

九年河溢開封懷慶衛輝三府

十年河決祥符陽武原武等十二州縣淹沒民田無算勅河南三司率夫修之

十三年河決滎澤原武始在河北

按是年河決背沁而去乃從武陟東寶家灣開渠三十里引河入沁自後沁河益大合而沁之入衛者漸淤景泰宏治萬歷中屢有請濬沁資衛者皆經按勘議不同而止詳明史河渠志

景帝景泰三年四月遷原武縣先是河決城俱淪沒餘里地頗高故遷之見景帝寔錄

四年八月戶部養病主事鍾成奏黃水沖決莫甚於

原武乞勅有司疏築塞以消水患從之疏見本傳

英宗天順元年河溢原武田禾淹沒命戶部覆試
六年九月河溢開封懷慶等六府是年河自武陟徙
入原武而獲嘉之流塞

七年導沁河入黑洋山下

孝宗宏治二年五月河決開封府黃沙岡等六處又
決埽頭等五處入沁河郡縣多被害 河復決原武
支流爲三其一決封邱金龍口漫於祥符長垣下曹
濮沖張秋其一出中牟下尉氏其一泛溢於蘭陽儀
封考城歸德以至宿遷命工部尚書白昂治之

三年河溢命有司量賑開封懷慶二府 築陽武長
隄七年總理河道都御史劉大夏於河北築長隄一